



Universitätsbibliothek Paderborn

**Symbola Trinitatis, Id Est Trinitatis diversarum rerum, ex
Veteris ac Novi Testamenti Scripturis, Historijs &
exemplis; nec non congruentioribus rerum naturalium
similitudinibus conscripta ...**

Duplan, Theodore

Ruraemundae, 1663

25 [i. e. 45]. Ter gallus cantat, ter Petrus negat.

urn:nbn:de:hbz:466:1-12221

SYMBOLUM 44.

Christus tertio dixit volentibus se capere: Ego sum. Ioan. 18.

Illa tenebrarum rectoris fluxerat hora,
Quâ rapidis insons captus es agne lupis.
Ter-geminans (a) *ego sum* majus tibi Numen inesse,
Dictio ter-geminis prodit utrimquè notis.
Nam trepidans hac voce phalanx armata furore
Jcta velut rapido fulmine, strata solo est.

(a) *Tres litteræ in una Syllabâ. Nota. In templis Ægyptiorum illud emblema de Deo suisse inscriptum refert Eugub. Ego sum; quod fuit, quod est, quodquæ futurum est. Velum meum nemo unquam revelavit. Et S. Dion. de divinis nominibus cap. 5. docet Deum vocari ens, vel esse potius quam quidlibet aliud. Sicut et contra proprium nomen creaturarum est non ens vel non esse, quia qualibet res creata plus habet non entis quam entis ait Plato in Thæteto. Et I. Lip: in sua Epigraphe.*

*Humana cuncta sumus, umbra, vanitas,
Et scenæ imago, verbo ut absolvam, Nihil.*

SYMBOLUM 45.

Ter Gallus cantat, ter Petrus negat.

Petre spoondisti, Domino comes ibo per ignes,
Carceris ad duri vincula, ad usque necem.
Præscius at rerum Dominus: me ter Petre ternâ
Auditâ Galli voce negabis, ait.
Petra dedit lacrymas ut quondam vimine tacta;
(a) Lumina sunt Domini flumina Petre tua.

(a) *Mortuus est negando quia superbè præsumpsit, rexixit, quia benignè Christus respexit. Ex Ven. Beda.*

SYM-